

大毘婆沙論

才一百四十五

三百八十六
靜五

77-505



阿毗達磨大毗婆沙論卷第一百四十五

靜

五百大阿羅漢等造

三藏法師

玄奘奉

詔譯

根蘊第六中根納息第一之四

此二十二根幾見苦所斷乃至廣說問何故復作此論答前門遮說頓斷者意而猶未遮說頓現觀又亦未顯漸次現觀今欲遮顯故作斯論有說前門亦遮頓現觀亦顯漸現觀但不明了今欲令明了故作斯論有說所以作論者欲分別五部煩惱五部對治故造斯論五部煩惱者謂見苦所斷乃至修所斷五部對治者謂苦忍苦智乃至道忍道智此二十二根幾見苦所斷幾見集所斷幾見滅所



斷幾見道所斷幾修所斷幾不斷答九修所
斷三不斷十應分別九修所斷者謂七色命
苦根三不斷者謂三無漏根十應分別者謂
意四受信等五根謂意根或見苦所斷或見
集見滅見道所斷或修所斷或不斷云何見
苦所斷謂意根隨信隨法行苦現觀邊忍所
斷此復云何謂見苦所斷二十八睡眠相應
意根云何見集所斷謂意根隨信隨法行集
現觀邊忍所斷此復云何謂見集所斷十九
睡眠相應意根云何見滅所斷謂意根隨信
隨法行滅現觀邊忍所斷此復云何謂見滅
所斷十九睡眠相應意根云何見道所斷謂

意根隨信隨法行道現觀邊忍所斷此復去
何謂見道所斷二十二隨眠相應意根云何
修所斷謂意根學見迹修所斷此復云何謂
修所斷十隨眠相應意根及不染汚有漏意
根云何不斷謂無漏意根如意根捨根亦亦
樂根或見苦所斷或見集見滅見道所斷或
信所斷或不斷云何見苦所斷謂樂根隨信
隨法行苦現觀邊忍所斷此復云何謂見苦
所斷九隨眠相應樂根云何見集所斷謂樂
根隨信隨法行集現觀邊忍所斷此復云何
謂見集所斷六隨眠相應樂根云何見滅所
斷謂樂根隨信隨法行滅現觀邊忍所斷此

復云何謂見滅所斷六隨眠相應樂根云何
見道所斷謂樂根隨信隨法行道現觀邊忍
所斷此復云何謂見道所斷七隨眠相應樂
根云何修所斷謂樂根學見迹修所斷此復
云何謂修所斷五隨眠相應樂根及不染汚
有漏樂根五隨眠者謂欲界貪無明色界貪
慢無明云何不斷謂無漏樂根喜根或見苦
所斷或見集見滅見道所斷或修所斷或不
斷云何見苦所斷謂喜根隨信隨法行苦現
觀邊忍所斷此復云何謂見苦所斷十七隨
眠相應喜根十七隨眠者謂欲界除瞋疑色
界一切云何見集所斷謂喜根隨信隨法行

集現觀邊忍所斷此復云何謂見集所斷十
一隨眠相應喜根云何見滅所斷謂喜根隨
信隨法行滅現觀邊忍所斷此復云何謂見
滅所斷十一隨眠相應喜根云何見道所斷
謂喜根隨信隨法行道現觀邊忍所斷此復
云何謂見道所斷十三隨眠相應喜根云何
修所斷謂喜根學見迹修所斷此復云何謂
修所斷六隨眠相應喜根及不染汚有漏喜
根六隨眠者謂欲界除瞋色界一切
云何不斷謂無漏喜根憂根或見苦所斷或
見集見滅見道所斷或修所斷云何見苦所
斷謂憂根隨信隨法行苦現觀邊忍所斷此

復云何謂見苦所斷四隨眠相應憂根四隨眠者謂欲界邪見瞋癡無明

云何見集所斷謂憂根隨信隨法行集現觀邊忍所斷此復云何謂見集所斷四隨眠相應憂根云何見滅所斷謂憂根隨信隨法行滅現觀邊忍所斷此復云何謂見滅所斷四隨眠相應憂根云何見道所斷謂憂根隨信隨法行道現觀邊忍所斷此復云何謂見道所斷四隨眠相應憂根云何修所斷謂憂根學見迹修所斷此復云何謂修所斷二隨眠相應憂根及不染汚憂根二隨眠者謂欲界瞋無明信等五根或修所斷或不斷云何修

所斷謂有漏信等五根云何不斷謂無漏信等五根

已分別諸根見苦所斷等彼見苦所斷等義
今當說問云何名見苦所斷乃至修所斷耶
答若法對治決定對治所緣決定名見苦所
斷乃至見道所斷若法對治不決定對治所
緣不決定名修所斷有說若法處所決定對
治所緣決定名見苦所斷乃至見道所斷若
法處所不決定對治所緣不決定名修所斷
有說若法苦忍苦智爲對治名見苦所斷乃
至若法道忍道智爲對治名見道所斷若法
諸智爲對治名修所斷有說若法苦忍所斷

名見苦所斷乃至若法道忍所斷名見道所
斷若法諸智所斷名修所斷有說若法觀苦
諦所斷名見苦所斷乃至若法觀道諦所斷
名見道所斷若法或觀苦諦或觀集滅道諦
或不觀諦所斷名修所斷有說若法與見苦
諦相違名見苦所斷乃至若法與見道諦相
違名見道所斷若法與見四諦相違名修所
斷此二十二根幾見幾非見乃至廣說問何
故作此論答欲止說一切法皆是見性者意
彼作是說所作猛利說名爲見一切法無不
皆於自事猛利故悉名見爲遮彼執顯諸法
中惟眼根及慧少分名見非餘故作斯論此

二十二根幾見幾非見答一見十七非見四
應分別一見者謂眼根十七非見者謂六色
命意五受信等四根四應分別者謂慧三無
漏根慧根或見或非見云何見謂盡智無生
智所不攝意識相應慧根云何非見謂餘慧
根即五識相應慧根及盡智無生智所攝慧
根未知當知根或見或非見云何見謂未知
當知根所攝慧根云何非見謂未知當知根
所攝餘根即餘八根如未知當知根已知根
亦亦具知根或見或非見云何見謂盡智無
生智所不攝具知根所攝慧根云何非見謂
具知根所攝餘根即餘八根及盡智無生智

所攝慧根

已分別諸根見等彼見等義今當說問何故名見見是何義答由四緣故名見一能觀故二推決故三堅執故四深入所緣故能觀故者謂見自性問邪見顛倒見彼何所觀答是故說見自性謂雖邪顛倒見而是見慧自性故說能觀如人隨有所見即名能觀非如盲者推決故者謂能推求決定問一刹那頃如何推求答性猛利故說名推求堅執故者謂諸見趣僻執堅牢非聖道力無由令捨深入所緣者謂於境猛入如針墮壘有說由二緣故名見一照了性故二推度性故有說由三

緣故名見一有見相故二成見事故三於境
無礙故有說由三緣故名見一意樂故二執
著故三推決故有說由三緣故名見一意樂
故二加行故三無智故意樂故者謂意樂壞
者加行故者謂加行壞者無智故者謂俱壞
者復次意樂故者謂修定者加行故者謂尋
思者無智故者謂隨聞者

此二十二根幾有尋有伺乃至廣說問何故
作此論答欲止譬喻前者所說故彼說從欲界
乃至有頂皆有尋伺所以者何契經說故如
契經說心麁性是尋心細性是伺心麁細性
乃至有頂彼大德說曰對法諸師說尋伺是

心、麤、細、性。此麤、細、性相待而立。乃至有頂、昏、現、可得、而說、尋、伺、惟在欲界及梵、世有此。是惡說、非爲善說。阿毗達磨諸論師言：我等善說、非爲惡說。以依多門說、麤、細、性、非是一種。如說、纏、麤、隨、眠、細、此中、尋、伺、非、麤、非、細、以、俱、非、纏、隨、眠、性、故。如說、色、蘊、麤、四、蘊、細、此中、尋、伺、俱、是、其、細、以、俱、攝、在、行、蘊、中、故。如說、欲、界、麤、初、靜、慮、細、此中、尋、伺、俱、通、麤、細、以、二、俱、通、二、地、攝、故。如說、初、靜、慮、麤、第、二、靜、慮、細、此中、尋、伺、俱、是、其、麤、以、依、多、門、說、麤、細、性、故。尋、與、伺、非、至、有、頂、若、說、尋、伺、至、有、頂、者、應、不、說、有、三、地、差、別、譬、喻、者、言、始、從、欲、界、乃、至、有、頂、皆

有善染無記三法一切地染法皆名有尋有
伺惟善無記有三地別若尔何故說尋伺滅
無尋無伺定生喜樂入第二靜慮彼言此依
善尋伺說不說染汚此說不然何緣乃說滅
善尋伺非滅染汚而應先滅染汚尋伺以離
染時必斷彼故以越界地方捨於善故譬喻
者真爲惡說欲止彼意顯尋與伺惟在二地
故作斯論

此二十二根幾有尋有伺幾無尋惟伺幾無
尋無伺荅二有尋有伺八無尋無伺十二應
分別二有尋有伺者謂苦憂根八無尋無伺
者謂七色命根十二應分別者謂意三受信

等五三無漏根意根或有尋有伺或無尋惟
伺或無尋無伺云何有尋有伺謂有尋有伺
作意相應意根此復云何謂欲界初靜慮意
根云何無尋惟伺謂無尋惟伺作意相應意
根此復云何謂靜慮中間意根

云何無尋無伺謂無尋無伺作意相應意根
此復云何謂從第二靜慮乃至非想非非想
處意根

如意根捨根信等五根三無漏根亦亦樂根
或有尋有伺或無尋無伺云何有尋有伺謂
有尋有伺作意相應樂根此復云何謂欲界
初靜慮樂根

云何無尋無伺謂無尋無伺作意相應樂根
此復云何謂第三靜慮樂根

如樂根喜根亦亦然有差別謂第二靜慮喜
根名無尋無伺

已分別諸根有尋有伺等彼有尋有伺等義
今當說問云何名有尋有伺無尋惟伺無尋
無伺耶答若法與尋伺俱尋伺相應尋伺等
起尋伺俱轉名有尋有伺若法不與尋俱惟
與伺俱尋不相應惟伺相應非尋等起惟伺
等起尋已息滅惟伺俱轉名無尋惟伺若法
不與尋伺俱非尋伺相應非尋伺等起尋伺
已息名無尋無伺有說若法有尋求有伺察

名有尋有伺若法無尋求有伺察名無尋惟
伺若法無尋求無伺察名無尋無伺

此二十二根幾樂根相應乃至廣說問何故
作此論答欲止他宗顯已義故如譬喻者說
心心所法次第而生彼大德言心心所法一
一而起如經狹路尚無二並何況有多或復
有說若法由彼力起即說與彼相應非餘謂
心能生心及心所故心心所與心相應心所
惟能生於心所故諸心所亦于相應心所不
能生於心故不說心與心所相應或復有執
諸法惟與自體相應彼作是言徧和合義是
相應義更無餘徧和合如自體於自體者故

說自體相應非他有執諸法自體於自體非
相應非不相應非相應者不自觀故非不相
應者遍和合故爲止如是種種異說顯心心
所俱時而生展轉相應非於自體惟望他說
故作斯論

此二十二根幾樂根相應幾苦根相應幾喜
根相應幾憂根相應幾捨根相應
捨根九根少分相應
樂喜捨與此九少分
相應樂喜捨根九根少分相應者謂意信等
五根三無漏根問云何樂喜捨與此九少分
相應耶答意根信等五根通與五受相應此
中但取三受相應故言少分三無漏根多法

爲性今除受體與餘相應故言少分苦根憂
根六根少分相應者謂意信等五根問云何
苦憂與此六少分相應耶荅此六根與五受
相應此中但取憂苦相應故言少分問何故
但問與受相應不問餘心心所耶荅是作論
者意欲尔故隨彼意欲而作論但不違法相
便不應責有說一切法皆歸趣受是以問之
有說一受有多根相謂於一受分爲五根餘
法不尔故惟問受有說諸受成就不相違現
行相違是以偏問成就不相違者謂一有情
成就五受現行相違者謂一有情一刹那中
不能起二何況起多有說以受是緣起輪轂

是以偏問有說除受更欲問何若問信等五
根三無漏根彼惟是善非與一切有相應義
若問命等八根彼惟無記又不相應問若介
何故不問意根答本由意根立相應法不可
還問與意相應是故此中惟問與受相應之
義五受自性非自相應故復惟以餘法問受
已分別諸根與受相應彼相應義今當說問
何故名相應相應是何義答等義是相應義
問諸心品中心所法有多有少云何名等謂
欲界多色界少色界多無色界少善多不善
少不善多無記少有覆無記多無覆無記少
云何等義是相應義答以事等故說名等

謂一心品中若有二受一想等者可說求等
然一心品中如受有一想等亦尔故名爲等
有說五種等義是相應義謂所依等所緣等
行相等時等事等餘廣說如結蘊初納息此
二十二根幾欲界繫乃至廣說問何故作此
論答欲止他宗顯己義故謂或有執色界有
男女根彼作是言有色身處皆有女男二根
可得爲止彼意願女男根惟欲界有故作斯
論復有說言樂根苦根五地可得謂欲界四
靜慮彼說有身皆有苦樂爲遮彼執顯苦根
惟欲界有樂根惟三地有故作斯論或復有
說喜根憂根九地可得謂從欲界乃至

彼說有心皆有憂喜三界九地皆有心故又
欲界身不淨可厭尚於合時生喜離時生憂
況上界中身極淨妙猶如燈燄心無燒濁如
清涼池而於離合得無憂喜為遮彼執顯憂
惟欲界喜至第二靜慮上地俱無故作斯論
此二十二根幾欲界繫幾色界繫幾無色界
繫幾不繫答四欲界繫三不繫十五應分別
四欲界繫者謂女男苦憂根三不繫者謂三
無漏根十五應分別者謂五色命意三受信
等五根眼根或欲界繫或色界繫云何欲界
繫謂欲界繫大種所造眼根云何色界繫謂
色界繫大種所造眼根如眼根耳鼻舌身根

亦尔命根或欲界繫或色界繫或無色界繫
云何欲界繫謂欲界繫壽云何色界繫謂色
界繫壽云何無色界繫謂無色界繫壽意根
或欲界繫或色界繫或無色界繫或不繫云
何欲界繫謂欲界繫作意相應意根云何色
界繫謂色界繫作意相應意根云何無色界
繫謂無色界繫作意相應意根云何不繫謂
無漏作意相應意根如意根捨根信等五根
亦尔樂根或欲界繫或色界繫或不繫云何
欲界繫謂欲界繫作意相應樂根云何色界
繫謂色界繫作意相應樂根云何不繫謂無
漏作意相應樂根如樂根喜根亦尔

問何故色界無男女根。答非其田非其器。乃至廣說。有說爲欲棄捨男女根。故修諸靜慮。往色界生。若彼亦有男女根者。則應無有求生彼界。若法下地所有。上地亦有者。應不施設。有漸次滅法。若無漸次滅法。亦應無畢竟滅法。以漸以滅法能引畢竟滅法。故若無畢竟滅法。用無解脫。若無解脫。應無出離。勿有如斯衆多過失。故於色界無男女根。有說男女二根。段食所引。如契經說。劫初時人無男女根。形相不異。後食地味。女男根生。由此便有男女相異。色界離段食。故無此二根。有說男女二根。欲界有用。非於色界。是故彼無問。

鼻舌二根於彼無用云何得有答鼻舌二根
於彼有用今端嚴故非男女根有端嚴義可
慚鄙故問色界天衆爲女爲男設尔何失若
是女者應有女根若是男者應有男根若非
二者便違經說如說女身不得作梵王等而
不遮男答應作是說彼皆是男問豈不彼類
不成就男根耶答雖無男根而有餘丈夫相
又能離染故說爲男如契經中說諸果向皆
名丈夫非無女人行向住果當知亦以能離
染故說爲丈夫毗柰耶中亦作是說佛以兩
手捧大生主骨告苾芻衆汝等諦聽一切女
人其性輕轉多諸嫉妬諂媚慳貪惟大生主

雖是女人而離一切女人過失作丈夫所作
得丈夫所得我說是輩名為丈夫色界諸天
理亦應尔能離染故說為丈夫由此應作四
句分別有是男子不成就男根謂色無色天
大生主等有成就男根而非男子謂二形者
有是男子亦成就男根謂一切丈夫成就男
根者有非男子亦不成就男根謂除前相諸
是女者必成就女根有成就女根而非是女
謂二形者若依所引毗奈耶義女亦四句應
推廣說問何故上界無憂苦根答非田非器
乃至廣說有說為欲棄捨憂苦根故修諸靜
慮往色界生若彼亦有憂苦根者則應無有

求生彼界若法下地所有上地亦有者應不
施設有漸次滅法廣說如前勿有斯過故上
界無憂苦根有說何故憂苦根色界無者以
是欲界不共過失故諸界地中各有不共功
德過失欲界過失者謂苦根等功德者謂能
入見道等上界功德過失隨地應廣說有說
欲界是過失界由是過失界故雖殊勝身亦
猶有苦如佛獨覺聲聞輪王上界是功德界
由是功德界故雖下劣身亦無有苦如遇惡
歲雖有美稼不能無災若逢善歲雖諸穢草
亦無災及欲界上界應知亦尔所以上界亦
無憂者以諸憂根離欲捨故又是重無知等

流果故生上界者離重無知是故憂根於彼
非有

已分別諸根欲界繫等彼欲界繫等義今當
說問云何名欲界繫色界繫無色界繫耶答
若法繫在欲界名欲界繫繫在色界名色界
繫繫在無色界名無色界繫如牛繫在柱等
名柱等繫或有說者若法繫屬欲界足名欲
界繫繫屬色無色界足名色無色界繫足名
煩惱如說佛無邊所行無足誰將去如人有
足能往四方若無足者則不能往如是若有
煩惱足者能往諸界諸趣諸生生死流轉無
煩惱足則不能往或有說者若法為欲界生

死縛所繫名欲界繫為色無色界生死縛所
繫名色無色界繫或有說者若法為欲界阿
賴耶所藏摩摩異多所執名欲界繫為色無
色界阿賴耶所藏摩摩異多所執名色無色
界繫阿賴耶者謂愛摩摩異多者謂見或有
說者若法為欲界愛所潤見執為我我
欲界繫為色無色界愛所潤見執為我我
名色無色界繫或有說者若法欲界樂欲所
合名欲界繫色無色界樂欲所合名色無色
界繫樂名為愛欲名為見或有說者若法為
欲界垢所垢毒所毒穢所穢名欲界繫為色
無色界垢所垢毒所毒穢所穢名色無色界

繫此中一切煩惱名穢非但說瞋

說一切有部發智大毗婆沙論卷第一百四十五

靜

狹

侯夾反
窄

輪轂

下音谷

媯濁

上音遶

諂媚

下眉反

異音



